


Lelaki memiliki gambar pornografi kanak-kanak dipenjara lapan bulan dan didenda RM3,000

KUCHING: Mahkamah Majistret di sini, semalam menjatuhkan hukuman penjara lapan bulan dan denda RM3,000 terhadap seorang lelaki yang mengaku bersalah memiliki sekitar 388 gambar pornografi kanak-kanak di dalam komputer miliknya, minggu lalu.

Majistret Nur Syaheeqa Nazwa Radzali memerintahkan Chan Khin See, 41, dipenjara tiga bulan sekiranya gagal membayar denda tersebut.

Nur Syaheeqa juga mengarahkan hukuman penjara bagi tertuduh untuk dikuatkuasakan mulai semalam, selain memerin-



KE PENJARA: Tertuduh (tengah) diiringi anggota polis keluar dari kamar Mahkamah Majistret Kuching semalam selesai dijatuhkan hukuman.

tahkannya untuk melaporkan diri di balai polis selama 12 bulan selepas selesai

menjalani hukuman.

Mengikut pertuduhan, tertuduh didakwa melaku-

kan kesalahan itu sekitar jam 12.30 tengah hari di sebuah rumah di Taman Malihah, Jalan Matang di sini pada 15 September 2026.

Pertuduhan dibuat mengikut Seksyen 10 Akta Kesalahan-Kesalahan Seksual Terhadap Kanak-Kanak 2017 yang memperuntukkan hukuman penjara tidak lebih lima tahun atau denda tidak lebih RM10,000 atau kedua-duanya sekali, jika sabit kesalahan.

Berdasarkan fakta kes, hasil risikan polis mendapati tertuduh terlibat dengan kegiatan pornografi kanak-kanak dan sehubungan itu,

polis melakukan pemeriksaan terhadap tertuduh di kediamannya.

Hasil pemeriksaan awal terhadap peranti yang diserahkan tertuduh mendapati terdapat lebih kurang 388 gambar bahan pornografi kanak-kanak di dalam komputer tertuduh.

Sehubungan itu, polis merampas sebuah komputer, papan kekunci, tetikus, tablet, penghala dan modem daripada tertuduh.

Pendakwaan dilakukan oleh Pegawai Pendakwa Inspektor Siti Radhiah Abdul Rahman, sementara tertuduh tidak diwakili peguam.